



南漢金石志卷二

鎮象塔記 存

以大寶□□□□□□月乙卯朔六日庚申□□□

□□面招討使行內侍監上柱國邵□□已下不地

一段收此下不及諸寺院僧尼鑄造佛頂尊勝□□

尼□□此下不大白衣觀□□□薩尊□□此下不

塔五層四面龕室裝嚴佛像又捨黑□□此下不老

僧延嗣住持焚修伏以所崇妙善蓋□□□□□□

□羣象踏食百姓田禾累奉勅下老人採捕駢括入

欄烹宰應贍軍□□其帶甲披□□□負耒之□□

□遺骸滯魄難超捨去□□此下不良因免涉幽局

之苦速承濟度永辭異類之徒

拓本經文不錄

鎮象塔在東莞南漢禹餘宮使邵廷瑁建吳萊南海古蹟

記

塔在廣州東莞資福寺紀年已泐粵東金石畧題云大寶五年而黃佐廣州先賢傳云大寶七年始加廷瑁為東面招討使與五年之文不合攷大寶七年為遼應祿十四年遼史朔考是年至明年六月是月邵廷瑁死無乙卯朔惟應祿十二年為大寶五年十一月乙卯朔此記云乙卯朔則五年無疑矣又歐陽五代史南漢世家建隆元年大寶三年銀將邵廷瑁言於鋹則瑁之為將已在五年以前故塔建於

五年得題銜招討使廣州先賢傳云七年始加者誤也記中案字玉篇廣韻並無惟見集韻蓋當時鄉壁虛造之字廣東通志

西鐵塔記

存

盧迦那佛 此東上面

釋迦佛 此東下面

玉清宮使德□□□宮使開府儀同三□□內侍監□□國龔□□同女弟子□□□□□以大寶六年□□□亥五月壬子朔□□□□□鑄造□□□□

入緣弟子內給事都監韶州梁□鄂 以上東面

盧舍那佛 此南上面

彌勒佛 此南下面

玉清宮使德陵使□□宮使□府儀同三司□內侍
□□□國□□□同女弟子□□三十二□以大寶
□□歲次癸□五月壬子朔□□□辰鑄造□□
□□

入緣弟子內給事都監韶州梁延鄂 以上南面

毗□□佛 此北上面

藥師佛 此北下面

玉清宮使德陵使龍□宮使開府儀同三司□內侍
監上柱國龔□□同女弟子□氏三十二□以大寶

六年歲次□亥五月壬子朔十七日□辰鑄造永□
□□

入緣弟子內給事都監□州梁延鄂 以上北面

□□佛 此西上面

彌勒佛 此西下面

玉清宮使德陵使龍德宮使開府儀同三司行內侍
監上柱國龔澄樞同女弟子鄧氏三十二娘以大寶
六年歲次癸亥五月壬子朔十七日戊辰鑄造永充
供養

入緣弟子內□□□□□□□延鄂

□弟子劉軍□ 以上西面 拓本

右龔澄樞造鐵塔記塔在廣州光孝寺文凡七行世所傳者惟西一面文乾隆甲午夏益都李文藻素伯諦觀東南北三面鐵繡中隱現有字募人錐出搨之文皆與西面同而每行字數有多寡蓋非一范也素伯又爲文記塔之形製云塔自石趺以上高丈有九尺六寸石趺四重刻獅獸鐵趺四重一作瓦檐形二作龍戲三珠縮其地廉外爲四人首戴第三重如鼯鼠狀三重亦刻花紋四重周作蓮花四面各濶四尺六寸爲瓣九中瓣刻紋於上白蓮花瓣以上凡七層以次而狹皆鑄佛像最上濶不過二尺又上爲蓮花頂每層大佛一眾小佛

環之每面七層計二百五十佛四之則千佛矣下二層佛旁有字梯而視之第一層東曰釋迦佛西曰彌勒佛南曰彌陀佛北曰藥師佛藥師佛者釋家謂之功德佛其造塔者自況乎第二層東盧遮那佛南盧舍那佛西牟尼佛北毗舍浮佛它佛名皆刻佛左而此獨刻佛右塔頂似有字勢甚危不可梯也

潛研堂金石文跋尾

塔在廣州光孝寺之西院唐六典內侍省內侍四人從四品上新唐書百官志內侍省監二人從三品內侍四人從四品注云龍朔二年改監爲省天寶十三年置內侍監則唐自天寶後稱內侍監五

代會要後唐同光元年以左監門衛將軍判內侍
省李紹宏兼內局則後唐已復稱省南漢承唐梁
之制內侍省有監內侍監者內侍省官之長省者其寺署監者其官也與唐書百官志稱官司之別曰監者不同又東莞鎮象塔邵廷珣題銜稱行內侍監亦可為有監之一證有
內侍乾和十六年感報寺鐘款載桂州管内招而討使特進行內侍上柱國吳懷恩是也
未嘗稱其官為內侍省大寶四年乾亨寺鐘款有云守內侍省内府局令賜
紫金魚袋梁延康此省中之屬官百官志內侍省其屬六局五日內府是也非以省為官名當
以此塔題銜為據宋史通鑑及十國春秋稱澄樞
為內侍省並誤也又舊唐書職官志武德令職事
解散官欠一階不至為兼職事卑者不解散官貞
觀令以職事高者為守職事卑者為行仍各帶散

位其欠一階依舊為兼與當階者皆解散官則澄

樞初以知承宣院兼內侍監宋史十國春秋並作省後又以

開府儀同三司行內侍監傳乃誤監為省又漏其

後一官并畧其勳上柱國耳又載入緣弟子梁延

鄂史傳無攷其題銜稱內給事都監按六典百官

志內給事從五品無都監之名十國春秋百官表

亦不載當據此以補其缺塔頂為蓮花形無字李

文藻之言臆說也廣東通志

宋史澄樞傳無玉清宮使十國春秋無行內侍監

上柱國西鐵塔銘無特進及萬華宮使驃騎大將

軍上將軍左龍虎軍觀軍容使內太師武昌縣開

國男食邑三百戶等銜陳守忠雲門山碑亦無諸將軍及內太師銜塔款作於大寶六年五月雲門山碑作於大寶七年四月碑題銜與塔款同止多封爵食邑知爵邑之賜在六年五月後七年四月前而授諸軍官銜及進太師則在七年四月以後矣

梁廷柵南漢書考異

長壽寺銅鐘款

存

大漢皇帝維大寶七年歲次甲子正月一日戊寅鑄造洪鐘一口重銅壹阡貳佰陸拾斤於長壽寺永充供養其鐘元在長壽寺至今戊辰歲四月八日却移於法明寺永充供養都維那僧惟省直歲僧法

光典座僧令恩上座文昌

拓本

鐘在曲江南華寺蓋自法明寺移至者也據宋開寶九年款法明寺當在廣州然今不可攷矣長壽寺卽今六榕寺戊辰大寶十一年也

廣東通志

匡聖宏明大師碑銘

存

大漢韶州雲門山大覺禪寺大慈雲匡聖宏明大師碑銘

并序

西御院使集賢殿學士御前承旨太中

大夫行左諫議大夫知太僕寺事上柱國賜紫金魚袋臣陳守中奉敕撰

原夫真空無相劫火銷而性相何來妙法有緣元氣剖而因緣何起造化莫能爲關鍵元黃不可爲種根

志二
六
凡乎十号之尊出彼三祇之劫增莫知而滅寧觀詎
究始終望不見而名無言孰明去住不有中不空
中空匪動匪搖常寂常樂拘畱孫之過去釋種圓明
毗婆尸之下生元符合契繇是修行道著相好業成
爰受記於定光迺度人於摩揭自是一音演說二諦
宏宣開八萬法門化三千世界大乘六而小乘九慧
業難基欲界四而色界三昏波易染所以興行六度
接引四生求真者竟洗六塵修果者咸超十地盡使
昏衢之內俱萌捨筏之心大廕人天俾居淨土其後
衣纏白氎屣脫金沙示無住之身現有終之理於是
迦葉結集阿難證真遞付心珠住持法藏象教遠流

於千輦覺花遍滿於十方馬鳴興護法之功龍樹顯
降魔之力師師相受法法相承大化無窮不可思議
而自我祖承運明帝御乾符聖夢以西來圖粹容而
東化金言玉偈摩騰行首譯之文鹿苑雞林佛朔遂
身遊之化迨於魏晉迄至隋唐達理者甚多得道者
非少其如歷帝歷代有廢有興未若當今聖明欽崇
教相者也伏惟睿聖文武隆德高明宏道大光孝皇
帝陛下德參覆載道合照臨叶九五之龍飛應一千
之鳳麻承帝嚳有堯之慶鴻業敦興體下武繼文之
基聖功崛起每念八紘紛擾九土艱虞耀干戈弧矢
以宣威救生靈塗炭用文物聲明而闡教致寰宇雍

熙櫛沐忘勞鑿大禹之所未鑿造化不測開巨靈之所未開慶雲呈而甘露垂嘉穀生而芝草出其於儒也則石渠金馬刊定古今八索九丘洞窮淵奧其於道也則探元抱朴得太上之妙門寶籙靈符授虛皇之秘訣於機暇既崇於儒道注宸衷復重於佛僧是以奉三寶於虛空福萬民於寰宇紺宮金剎在處增修白足黃頭聯辰受供而乃頻彰瑞感顯應昌期矧以韶石奧區漕溪勝地昔西來智藥三藏駐錫於漕溪曰一百七十年後當有無上法寶肉身菩薩於此興化學道者如林故號漕溪曰寶林也二十八祖之心印達磨東傳三十三代之法衣祖師南授自六祖

大師登正果之後所謂學者如林天下高僧無不臻湊者矣大慈雲匡聖宏明大師者則別穎一枝也大師澄真不渾定性自然馳記蒞之高名躡迦維之密行惠燈呈耀智劍發矧六根淨而五眼清不染不著四果證而三明朗自悟自修啓禪門而定水泓澄搜律藏而戒珠瑩徹水上之蓮花千葉清淨芬芳空中之桂魄一輪孤高皎潔機無細而不應道有請而必行固得百福莊嚴萬行圓滿盡諸有漏達彼無爲大師諱文姓張氏吳越蘇州嘉興人也生而聰敏幼足神風不雜時流自高釋性纔逾卅歲便慕出家乃受業於嘉興空王寺律師志澄下爲上足披經懺偈一

覽無遺勤苦而成依年具尸羅於常州戒壇初習小
乘次通中道因聞睦州道蹤禪師關鑰高險往而謁
之來去數月忽一日禪師發問曰頻頻來作什麼對
曰學人已事不明禪師以手推出云秦時轆轤鑽師
因是發明微而有理經數載策杖入閩造於雪峯會
下三禮之後雪峯和尚頗形器重之色是時千人學
業四眾咸歸肅穆之中凡聖莫測師朝昏參問寒燠
屢遷昂鶴態於羣流閑禪扉於方寸因有僧問雪峯
曰如何是觸目不見道運足焉知路雪峯曰吽其僧
不明舉問師此意如何師曰兩斤麻一疋布僧又不
明復問何義師曰更奉三尺竹僧後聞於雪峯峯曰

噫我常疑箇布衲其後頗有言句繁而不書乃於眾
中密有傳授因是出會游訪諸山後雪峯遷化學徒
問曰和尚佛法付誰峯曰遇松偃處住學徒莫測偃
者則師之法号也遺誠至今雪峯不立尊宿辛未屆
於漕溪旋謁靈樹故知聖大師

如敏長老

以識心相見靜

本畧同儔侶接延僅逾八載丁丑知聖忽一日召師
及學徒語曰吾若滅後必遇無上人爲吾茶毗及戊
寅歲知聖大師順寂恰遇高祖天皇大帝駕幸韶陽
至於靈樹勅爲焚蕪果契前言也師是時奉詔對敷
便令說法授以章服次年又賜於本州爲軍民開堂
師據知聖筵說雪峯法牧守何希範禮足曰弟子請

益師曰目前無異草是日問禪者接踵其對答備傳於世師介後倦於延接志在幽清奏乞移庵帝命俞允癸未領眾開雲門山構創梵宮數輦而畢莫不因高就遠審地爲基層軒邃宇而湧成花界金繩而化出曉霞亘覆絳帷微攬於雕楹夕露散垂珠網輕籠於碧凡匝匝盡奇峯秀嶺逶迤皆潑黛堆藍泉幽而聲激珠璣松老而勢拏空碧由是裝嚴寶相合雜香廚摳衣者歲溢千人擁錫者雲來四表菴羅衛之林畔景象無殊者闍崛之山中規模匪異院主師傳表奏造院畢功勅賜額曰光泰禪院至戊戌歲高祖天皇大帝詔師入闕朝對有容因宣問曰作麼生是本

來心師曰舉起分明帝知師洞韞元機益加欽敬其日欲授師左右街大僧錄遂讓再三而免翊日賜師號曰匡真大師延駐浹旬賜內帑銀絹香藥遣迴本院厥後常注宸衷頻加賜賚尋伏遇中宗文武光聖明孝皇帝纘承鴻業廣布皇風廓靜九圍常敬三寶復降詔旨命師入於內殿供養月餘仍賜六銖衣錢絹香藥等却旋武水并預賜塔院額曰瑞雲之院寶光之塔師禪河浩淼聞必驚人有問禪者則云正好辨有問道者則云透出一字有問祖師意者則云日裏看山凡所接對言機大約如此了義元遠法藏幽微化席一興歲華三紀師於生滅處在色空中來若

鳳儀作僧中之異瑞去同蟬蛻爲天外之浮雲於屠
維作噩之歲四月十日寢膳微爽動止無妨忽謂諸
學徒曰來去是常吾當行□□命侍者奉湯師付湯
椀於侍者曰第一是吾著便第二是汝著便亟令修
表告別君王乃自札遺誠曰吾滅後不得數俗着孝
衣哭泣備喪車之禮則違我□□也付法於白雲山
實性大師志庠其日子時瞑目怡顏疊足而化嗚呼
化緣有盡示相無生端然不壞之身寂尔歸真之性
惠衆雖乾於此界法山復化於何方峯雲慘澹以伍
垂眾鳥悲鳴而不散學徒感極瞻雁塔以銜哀門客
戀深拜禪龕而雪涕以當月二十有五諸山尊宿

四界道俗送師入塔壽齡八十六僧臘六十六香飄
數里空振一隅護法龍神出虛空而閃爍受戒陰隲
現髣髴之形容其後諸國侯王普天僧眾聞師圓寂
竟致齋羞而後一十七年我皇帝應天順人垂衣御
極順三靈而啓聖紹四葉之耿光大振堯風中興佛
法至大寶六年歲次癸亥八月有雄武軍節度推官
阮紹莊忽於夢中見大師在佛殿之上天色明朗以
拂子招紹莊報云吾在塔多時汝可言於李特進秀
宮使特進託他奏聞爲吾開塔紹莊應對之次驚覺
李托也歷然是時李托奉勅在韶州於諸山門寺院修建道
場因是得述斯夢修齋事畢迴京奏聞聖上謂近臣

曰此師果圓滿坐化多年今若託夢奏來必有顯現
宜降勅命指撫韶州都監軍府事梁延鄂同本府官
吏往雲門山開塔如無所壞則奏聞迎取入京梁延
鄂於是准勅致齋然後用功開鑿菩薩相依稀旋觀
蓮花香馥郁先聞須臾寶塔豁開法身如故眼半合
而珠光欲轉口微啓而珂雪密排髭髮復生手足猶
軟放神光於方丈晃耀移時興瑞霧於周迴氤氲永
日卽道卽俗觀者數千靈異旣彰尋乃具表奏聞勅
旨宣令李托部署人船往雲門修齋迎請天吳息浪
風伯清塵直濟中流俄達上國勅旨於岨嶮步駐泊
翊日左右兩街諸寺僧眾東西教坊四部伶倫迎引

靈龕入於大內螺鈸鏗鏘於玉闕幡花羅列於天衢
聖上別注敬誠賜昇秘殿大陳供養疊啓齋筵排內
帟之瓊珍饌天廚之蒞藻列砌之驪珠斛滿盈盤之
虹玉花明浮紫氣於皇城炫靈光於清禁聖上親臨
寶輦重換法衣謂侍臣曰朕聞金剛不壞之身此之
謂也於是許羣寮士庶四海蕃商俱入內庭各得瞻
禮瑤林畔千燈接晝寶山前百戲聯宵施利錢銀不
可殫紀以十月十六日乃下制曰定水澄源火蓮發
豔夙悟無生之理永畱不朽之名萬象都捐但秘西
乾之印一眞不動惟餘南祖之燈韶州雲門山證眞
禪寺匡眞大師早契宗乘洞超眞覺雖雙林示滅十

七年靡易金軀隻履遺蹤數萬年應迴葱嶺朕顯膺
厥數纘嗣丕圖洎三朝而並切皈依乃一心而不忘
迴向仰我師而獨登果位在沖人而良所歎嘉宜行
封賞之文用示褒崇之典可贈大慈雲匡聖宏明大
師證真禪寺宜昇爲大覺禪寺重臣將命亂奠伸儀
太常行禮於天墀綸誥宣恩於雲陛固可冥垂慈貺
密運神通資聖壽於延長保皇基於廣大師在內一
月餘日聖澤優隆七寶裝龕六銖裁服頒賜所厚今
古難倫當月二十九日宣下李托部署却迴山門有
參學小師雙峯山長老廣悟大師賜紫竟欽溫門山
感悟大師契本雲門山上足小師應悟大師常寶等

同部署真身到闕亦在內庭受供恩渥異常其諸上
足門人常厚等四十餘人各是章衣師號散在諸方
或性達禪機或名高長老在京小師悟明大師都監
內諸寺賜紫常一等六十餘人或典謀法教或領袖
沙門臣才異披沙學同鑄水虔膺鳳旨紀實性以難
周愧匪雄詞勒貞珉於不朽乃爲銘曰

於穆大雄教敷百億亭育二儀提攜八極不滅不生
無聲無色卓尔神功昭然慧力其化無不周道無不
備法旣流兮教旣布矣爰示滅樂歸乎妙理實性眞
宗枝分風靡其祖祖傳心燈燈散燭詮諦騰鑣聖賢
交躅種種津梁門門杼軸正覺廣焉尋之不足其厥

有寶林重芳一葉布無上乘登無上機法炬臙臙尼
珠燁燁拯溺迷津救焚塵劫其四南北學徒摳衣朝夕
無醉不醒無昏不釋示其生焉來彰慧績示其滅焉
歸圓真寂其五湛然不動塔韞寶光玉毫彌赫金相彌
庄時乎未矣我則晦藏時乎至矣我則昭彰其六爰於
明朝現茲法質如撥障雲重舒朗日瑞應皇基福隆
帝室聖覽禎祥恩頒洋溢其七三翼沿泝千里請迎迎
來丹闕設在三清金銀羅列瓊璧堆盈俄生紫氣潛
覆皇城其八日陳供席夜奏笙歌施億寶貝捨萬綺羅
神傾蒼荀天降曼陀前佛後佛顯應斯多其九明明聖
君仁仁慈主聖比和風慈同甘雨祚與天長教將地

固勒之貞珉永芳千古

其十

維大寶七年歲次甲子四月丁未朔列聖宮使甘泉
宮使秀華宮使翫華宮使開府儀同三司行內侍監
上柱國臣李托 玉清宮使德陵使龍德宮使開府
儀同三司行內侍監上柱國武昌縣開國男食邑三
百戶臣龔澄樞承旨建 右街大乾亨寺內殿供奉
講論兼表白意法大師賜紫沙門臣行修奉勅書
右龍虎軍控鶴將軍陪戎副尉臣孔廷謂臣孔廷津
臣陳延嗣臣鄧懷忠等鑄字 拓本

右碑今在乳源縣之雲門山文偃唱道雲門與臨
濟滄仰曹洞法眼竝稱五宗而此碑前人著錄無

及之者偃初住雲門之光泰禪院劉龔賜號匡真
大師劉鋹大寶中追諡大慈雲匡聖宏明大師五
燈會元述師諡稱大慈雲匡真宏明蓋誤合前後
諡號爲一

蘭修按十國春秋文偃傳誤同

又以光泰爲光奉亦轉

寫之譌也睿聖文武隆德高明宏道大光孝皇帝
蓋鋹所上尊號當據以補十國春秋之闕守中文
詞博瞻行修書亦不俗而十國春秋不錄其名氏

蓋志伊亦未見此碑也

潛研堂金石文跋尾

碑云於屠維作噩之歲

爾雅在己日屠維在酉日作噩

四月十日

其日子時暝日怡顏曼足而化後一十七年我皇
帝陛下中興佛法大寶六年歲次癸亥八月推官

阮紹莊忽於夢中見大師又載後主勅雖雙林示
滅十七年靡易金軀云云按雷嶽文偃塔銘亦云
己酉年卒己酉爲乾和七年閱十七年爲大寶九
年丙寅而碑立於大寶七年甲子則後文偃死止
十五年與所稱十七年不相應十國春秋亦云卒
後十七年示夢蓋誤沿碑文也

南漢書考異

蘭修按右碑在乳源縣雲門山縣志所載譌脫
三四十字今據拓本著錄字多別體大約皆有
所本如地作坐本籀文治作亂本古文閉作開
臘作臙本漢張遷碑競作竟本東魏太公望碑
刹作刹本梁元帝梁安寺刹下銘

唐釋元應一切經音義云

刻字書無卽刻字畧也據此知刻刻皆刻省徐
鉉說文新附有刻篆謬也北齊造丈八大像唐
啓法寺碑海作兼本北齊董洪達造像銘纏作
皆从刻
纏本隋龍藏寺碑儒作儒本隋默曹殘碑載作
牽本唐武后更造字低作佞本武后御製石刻
熙作灑本唐張嘉貞恆山碑淵作剡本唐李荆
造石像記鶴作鶴本唐楚金禪師碑莊作庄本
唐張琮碑瓦作凡本唐梁守謙功德銘拯作拯
本唐聖教序又勃漢書司馬相如傳作教此作
教鑿唐化度寺碑作鑿此作鑿策唐段襄公神
道碑作策此作策觀唐石壁寺鐵彌勒頌作觀
此作觀踵謬沿譌變本加厲六書之旨蕩然矣

至曹溪作漕溪或當時通用如此如北齊雋修
羅碑稱長安作葺安耳又按嘉興縣唐屬蘇州
梁初改屬杭州晉天福五年三月此據吳越備
會要作天福三年十月吳越文穆王請於嘉興縣置秀州
此碑及雷嶽塔銘云蘇州嘉興縣者猶沿舊稱
也

東鐵塔記存

大漢皇帝以大寶十年丁酉歲勅有司用烏金鑄造
千佛寶塔壹所七層并相口蓮花座高二丈二尺保
龍口有慶祈鳳麻無疆萬方咸使於清平八表永承
於交泰然後善資三有福被四恩以四月乾德節設

齋慶讚謹記

此西面

□□□□□□□□軍容□□□□陽宮使
秀□□□□華宮使□□□□□□□□
使宮闈□□□番點檢□□□上將軍行內□□
□□□□□□開國伯食邑七百戶□□□□□

此南面
西隅

教中大法師內□□監□□□□□大夫檢

按工部尚書□法師沙□臣□□此南面
東隅

教中大法□□□□□□□□大夫檢

按□部尚書□□□□沙門臣□□此東面
南隅

教中大法師內供奉講經首座金紫□□□夫檢

按工部尚書寶法大師沙門臣□□此北面
東隅

內殿大僧錄教中大法師金紫光祿□□檢按工

部尚書曉真大師沙門臣道□□此北面西
拓本

右造千佛寶塔記在光孝寺之東院寺僧以灰填

其文而塗金於外謂之金塔記在塔之西面凡八

行其北面西隅題名二行東隅題名二行南面東

隅題名二行西隅題名三行東面南隅題名二行

西面兩隅及東面之北隅皆無刻文予所藏者李

素伯手搨之本視他家特為完善寺之西有龔澄

樞所造鐵塔先於此塔四年亦非奉勅所造朱錫

鬯謂劉鋹所鑄二塔竝立一屋中一作記一題名

者誤也此塔題名六人惟所謂宮使者似是內侍之職餘皆沙門爾朱以為皆宦者亦誤

潛研堂金石文跋尾

曝書亭集謂二塔竝立一屋一作記一題名又謂其列名皆宦者固誤粵東金石畧云其列名皆沙門監造而宦者惟澄樞一人今按西塔無沙門題名東塔宦官又止李托無澄樞名則金石畧亦誤

也

梁廷棟南漢文字畧

蘭修按右塔銘後題銜通志與金石萃編互異今據拓本著錄舊志丁下是卯字相下是輪字龍下是躬字今已缺使舊志作底則誤也題名多剝蝕南面東隅所書官階有軍容字

金石文跋尾作

軍營

陽宮使秀字華宮使字使宮闈字番點檢

字上將軍行內字開國伯食邑七百戶字考宋

史李托傳中宗襲位選內侍省充宮闈諸衛押

番兼秀華宮使後主立改玩華宮使內侍監列

聖景陽二宮使雲門山碑李托書銜稱列聖宮

使甘泉宮使秀華宮使玩華宮使開府儀同三

司行內侍監上柱國並與此結銜相合通志謂

監造者即托是也陽宮上缺景字秀下缺華宮

使玩四字宮闈下番點檢上缺諸衛押三字行

內下缺侍監二字均可據宋史托傳以補之其

封爵食邑則托傳所未及也沙門題銜者四人

臣字下名皆剝落惟北面西隅臣下有道字可辨舊志臣下皆作監造二字非也

懿陵碑 佚

陵山劉氏之墓也在郡東北二十里漫山皆荔子樹龜趺石獸厯厯具存昔有發其墓者其中皆以鐵鑄之予嘗至此地摩挲斷碑不見始末但見其詞皆是葬婦人墓誌考之偽史疑是懿陵也他尙有數處如南海縣宣風鄉及番禺黃陂新會上臺玉環了髻山等皆有之

方信孺南海百詠

天華宮石刻 佚

天華宮在羅浮山之西南漢主建有甘露羽蓋等

亭雲華閣命中書舍人鍾有章作記 蘇軾東坡集

天華宮故址左為含陽門右為起雲門刻石猶存

萬厯戊子歐大任猶及見之 宋廣業羅浮山志會編

瑞像記 佚

偽劉時僧惠進作瑞像記立於中閣院殿側 輿地紀勝

蘭修按中閣院在羅浮山輿地紀勝云隋開皇

中龍華寺僧惠善發其地得銅瑞相一軀後建

中閣院以奉安之

碧虛觀碑 佚

菖蒲觀在蒲澗東今名碧虛中有劉氏碑東坡題

名其上 南海百詠

韜真觀碑 佚

出白沙洞而西左右皆小峯相對山北平疇孤烟
落照茅茨篁竹間始有人居曰道村其東南諸峯
間見層出寒松古樾翳鬱杳藹有洞掩映其間曰
韜真觀中有石碣記南漢時中官陳君所經營及
今近二百年醮場道院故址盡沒榛莽左右二石
室其深四五尋其一狹而長捫壁度穴直抵玉虛
洞後山而出讀其碣云巖洞多嵌空或深數尺遂
積土以實之予陋之曰凡石以嵌空為奇政欲空
所有安可實所無哉 吳元美
十洞記

韜真觀在北流縣東北勾漏山南漢時建 明一
統志

道安十三天觀
中道安一室石本

五代時十國紀事之書吳則有鈞磯立談南唐則有馬陸二書吳越則有備史楚則有新錄蜀則有錦里耆舊傳惟南漢胡賓王之劉氏興亡錄佚而不傳黃文裕修廣東通志時其書尙存志中所載南漢事不見羣籍者疑卽興亡錄也

國朝吳任臣十國春秋攬拾甚富所載故事不注出於何書讀者病之吳石華博士枕經葑史無所不通仿前後漢紀之例年經事緯輯爲此書各注書名以矯其失至於輿地沿革考覈精詳尤非任臣所能及矣予謂著正史易著霸史難正史有史宍之起居注實錄在據事直書而已霸朝多僻處偏隅又少人士

不設著作郎不立起居注著霸史者勢必採之稗官
野史然小說家或傳聞異辭或詭隨失實非明決擇
嚴去取必致變亂黑白顛倒是非就南漢而論歐史
世家之紀年職方之地名尙有舛誤况不及歐陽氏
者哉是紀導禾去節不支不蔓當與常璩崔鴻並肩
陸游馬令之徒不足道矣甘泉江藩跋

石華先生撰南漢紀五卷地理志一卷金石志二卷
事備而文簡識通而辨析三長具焉足以傳矣余年
來數爲故人刻集並欲梓吾粵記載之書卽以是爲
先導可乎道光甲午夏香山鄭廷松跋

國

朝野
書

